



REPUBLIKA E KOSOVËS - REPUBLIKA KOVOVA
KOMUNA VUSHTRRI - OPSTINA VUCITRN



Drejtoria për Prokurim Publik

Duke vendosur në çështjen administrative, sipas Kërkesës për Rishqyrtim të subjektit në procedurë: **"EOR GROUP SHPK&NB COMPANY SHPK", me seli në Prishtinë**, Autoriteti Kontraktues – Drejtoria për Prokurim Publik e Komunës së Vushtrrisë, pas mbajtjes së seancës jo publike të shqyrtimit të kërkesës të subjektit në fjalë, në bazë të nenit 108/A pika 6 lidhur me pikën 10 paragrafi 10.1 të Ligjit për Prokurimin Publik në Kosovë nr. 04/L-042 i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092, me datën **23.08.2023**, merr këtë:

V E N D I M

- 1. Refuzohet si e pabazë** Kërkesa për rishqyrtimin lidhur me Njoftimin Letër për Tenderuesin e pasuksesshëm, të subjektit në procedurë: **"EOR GROUP SHPK&NB COMPANY SHPK", me seli në Prishtinë, në procedurën e prokurimit me titull: "Furnizimi me tabela smart dhe Teknologji Informativ", Nr.Prokurimi: VU644-23-7254-1-2-1, Nr. i brendshëm: VU644-23-084-121.**
- 2. Vërtetohet si i bazuar** Vendimi i Autoritetit Kontraktues – Drejtorisë për Prokurim Publik për vazhdimin e aktivitetit në bazë të Njoftimit mbi Vendimin e Autoritetit Kontraktues të dt. **14.08.2023**.

A r s y e t i m

Autoriteti Kontraktues – Drejtoria për Prokurim Publik (në tekstin e mëtejme A.K.) në bazë të rezultatit nga procesi i ekzaminimit, vlerësimit dhe krahasimit të tenderëve ka marrë vendim që ta rekomandoj për dhënie të kontratës për aktivitetin: **"Furnizimi me tabela smart dhe Teknologji Informativ", OE "Infinit" shpk & "KIGA" shpk me seli në Prishtinë**, ndërsa, O.E.: **"EOR GROUP SHPK&NB COMPANY SHPK", me seli në Prishtinë**, (në tekstin e mëtejme Ankuesin) ta radhit në mesin e O.E. të pasuksesshëm, bazuar në procedurën e zbatuar.

Njoftimi mbi Vendimin e A.K. si dhe Njoftimi letër për tenderuesin e eliminuar për Ankuesin janë dërguar për publikim në platformën elektronike më dt. **14.08.2023**, bazuar në dispozitat e Rregullores për Prokurimin Publik.

Në Kërkesën për rishqyrtim, Ankuesi konsideron se A.K. duke vendosur si në Vendimin e dt. **14.08.2023**, ka shkelur dispozitat e LPP-së, konkretisht: nenin 7 – Barazia dhe Trajtimi, nenin 28 – Specifikimet Teknike dhe nenin 69 – Aftësia Teknike dhe/ose profesionale.

Ankuesi pretendon se:

1. Grupit të OE të shpërblyer i mungojnë deklarata e qarta të grupit, si dhe nuk kanë plotësuar kërkesat e dhëna me njoftimin për kontratë dhe FTD të dosjes së tenderit, përkatësisht kërkesat mbi mundësitë teknike dhe/ ose profesionale 9.1&9.2, të dhëna me FTD të dosjes së tenderit, më konkretisht ky grup ka ofruar inxhinier të inxhinierisë mekanike, e duhet të ofrohet inxhinier i elektronikës, e jo mekanikës.
Lidhur me pretendimin nr.1, AK konfirmon se OE e shpërblyer ka përmbushur këtë kriter, pasi që i njëjti ka dorëzuar dëshmi të pranueshme për inxhinierin, sepse te kërkesa 3 nuk ka drejtim të specifikuar për inxhinierin, prandaj **ky pretendim nuk qëndron.**
2. Grupi i OE të shpërblyer duhet të ofrojë eksperiencë në punët e natyrës së kërkuar në tender, pra nuk ka dorëzuar katalog apo broshurë me fotografi, në të cilën në mënyrë të qartë specifikohen të dhënat për artikujt sipas specifikave teknike të dhëna në Aneksin1.
Lidhur me pretendimin nr.2, AK konfirmon se OE e shpërblyer ka përmbushur këtë kriter, pasi që i njëjti ka dorëzuar katalogun me fotografi konform kërkesave të FTD në Dosjen e Tenderit, prandaj **ky pretendim nuk qëndron.**
3. Te Grupi i OE të shpërblyer për inxhinierin e shkencave inxhinierike, marrëveshja për projekt dhe CV-ja të pa nënshkruar.
Lidhur me pretendimin nr.3, AK konfirmon se OE e shpërblyer ka përmbushur këtë kriter, sepse mungesa e nënshkrimit nuk paraqet devijim thelbësor, prandaj **ky pretendim nuk qëndron.**

Autoriteti Kontraktues pasi i shqyrtoj një nga një pretendimet e Ankuesit të parashtruara në Kërkesë për Rishqyrtim dhe vlerësimin të provave në shkresat e lëndës, gjeti se Kërkesa e Ankuesit është e pabazë në tërësinë e saj, për arsye se:

Procedura është zhvilluar bazuar në dispozitat e Ligjit për Prokurimin Publik në Kosovë nr. 04/L-042 i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092. Neni 33 paragrafi 1 (Procedurë e Hapur) ka pasur për qëllim promovimin e transparencës, neni 60 paragrafi 1 pika 1.1 (tenderi i përgjegjshëm me çmimin më të ulët të peshuar) ka pasur për qëllim që bazuar në të gjeturat dhe rezultatet nga procesi i ekzaminimit dhe vlerësimi të tenderëve të vendosë për dhënie të kontratës O.E. me tenderin e përgjegjshëm me çmimin më të ulët. Mbi këtë bazë A.K. vlerëson se Vendimi i A.K. i dt. 14.08.2023 është marrë bazuar në kushtet, rregullat dhe procedurën e përcaktuar ligjore të LPP-së. Vendimi, sikurse ka vlerësuar A.K., është i mbështetur mbi baza ligjore e faktike, i pandikuar, që nuk diskriminon dhe që ka një transparencë të lartë të vendimmarrjes dhe po ashtu duke zbatuar kërkesat procedurale dhe qenësore të dispozitave të LPP-së.

Nga sa u tha me lartë, e një përputhje me nenin 108/A pika 10 paragrafi 10.1 të LPP-së A.K. vlerëson se pretendimet ankimore të Ankuesit janë plotësisht të paargumentuara dhe për rrjedhojë të pa bazuara, andaj A.K. konstaton se nuk ka asnjë arsye të vendosë ndryshme nga ajo që është thënë si më lartë, andaj u vendos si në dispozitiv të këtij vendimi.

Autoriteti Kontraktues – Drejtoria për Prokurim Publik
K.R. nr. 084/2020 - datë 18.08.2023

Drejtoria për Prokurim Publik


Alban Tahiraj - Drejtor

Vendimi i dërgohet:

1. 1x Palës,
2. 1 x DPP-së, dhe
3. 1 x Arkivit (1 kopje)